



## Indgået

**- 9 JULI 2018**

Mimi Karlsen  
Inatsisartuni ilaasortaq, Inuit Ataqatigiit

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
Box 1060 - 3900 Nuuk

**Akissuteqaatit § 37 naapertorlugu apeqquteqaammut nr. 130-imut, upperisarsioqatigiit allat isumaginninnermi pinaveersaartitsinermilu suliniutaat pilugit**

06.07.2018  
Suliap nr. 2018-13878  
Dok. nr.  
Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasara Mimi

Qujanaq apeqqutinnut, Inatsisartut suleriaasiat naapertorlugu saqqummiussannut, Taakkua uani ataani akissuteqarfigissavakka.

***Apeqqut 1: Upperisarsioqatigiit allat (ass. Ilagiinnut Lutherikkunnut ilaasortaanningsut) suliniutinut aalajangersimasunut isumaginninnermut pinaveersaartitsinermullu siunertaqartunut, soorlu atornerluisunik katsorsaannermut il.il. atugassanik tipsimit lottomillu pisassanit tapiissutinit aningaasanik qinnuteqarsinnaappat?<sup>1</sup>***

### **Akissut:**

”Tipsimit lottomillu aningaasaliissutit” taaguutaavoq nuannarineqartoq tapiissutinit Aningaasanoorutit ilaannit iluanaarutinit agguaassisarneq pillugu Inatsisartut Inatsisaat nr. 10, 22. november 2011-meersoq aammalu taanna tunngavigalugu nalunaarussiaq naapertorlugu aningaasaliissutaasartunut tapiissutitullu agguaanneqartartunut, tassalu Aningaasanoorutit ilaannit aningaasanik agguaassisarneq pillugu tapeeriaatsit, tapiiffiqineqarnissamut piumasaqaatit il.il. pillugit Namminersorlutik Oqartussat nalunaarutaat nr. 2, 26. januar 2015-meersoq.

Nalunaarummi ilaatigut malittarisassanik aalajangersagaqarpoq piumasaqaatit qanoq ittut naammassineqarsimassanersut, tamanut iluaqutaasussamik siunertanut inatsisitigut aalajangersakkanut tapiissutininik tunniussisoqassatillugu.

<sup>1</sup> Aningaasanoorutit ilaannit iluanaarutinit agguaassisarneq pillugu Inatsisartut Inatsisaat nr. 10, 22. november 2011-meersoq

Tamanut iluaqutaasussamik siunertanut allanut nalunaarummi § 3 naapertorlugu paasineqartarput kulturikkut siunertat, siunertat inunnik qaammarsaanermut tunngasut, siunertat nappaatinik akiuniarnermut pinaveersaartitsinermullu tunngasut, siunertat inooqatigiinnermut tunngasut, siunertat silami sammisaqartitsinermut tunngasut aamma siunertat tamanut iluaqutaasussamik ilisimatusarnermut tunngasut.

Piumasaqaatini qinnuteqarnermut namminermt taamatullu qinnuteqaatigineqartunut tapiiffigineqartussatut pineqarput.

Upperisarsioqatigiit allat qinnuteqartut allat naligalugit suliniutinut aalajangersimasunut tapiiffigineqarsinnaapput, isumaginninnermut pinaveersaartitsinernullu siunertalinnut, nalunaarummi piumasaqaatit naammassineqarsimappata. Imaaliinnarluni takuneqarsinnaanngilaq akornutissaqassasoq tapiissuteqartoqarsinnaanera suliniutinut apeqqummi allaaserineqartutut ittunut, tamannali qinnuteqaammut pineqartumut namminermt atatillugu aalajangerneqartarpoq.

*Apeqqu 2: Ilagiinnut Lutherikkunnut ilaasortaangitsut isumaginninnikkut, pinaveersaartitsinikkut sanngiinnerusunullu suliniuteqarnerminnut pisortanit tapiivigineqarnissamut allatigut sunik periarfissaqarpat?*

**Akissut:**

Upperisarsioqatigiit allat qinnuteqartut allat naligalugit suliniutinut aalajangersimasunut tapiiffigineqarsinnaapput, isumaginninnermut pinaveersaartitsinernullu siunertalinnut, nalunaarummi piumasaqaatit naammassineqarsimappata.

*Apeqqu 3: Ilagiit Lutherikkuunngitsut isumaginninnikkut pinaveersaartitsinikkullu suliniutaannut Naalakkersuisut tapiinissamut piumassuseqarpat? Taamaappat, tapersiineq tamanna qanoq piviusunngortinneqassava?*

**Akissut:**

Naalackersuisut tipsimit lottomillu aningaasaliissutininik suliniutinut tamanut iluaqutaasussanut tapiissuteqartarneq tapersorsorpaat, upperisarsioqatigiillu allat qinnuteqartut allat naligalugit qinnuteqarsinnaanerit.

Inussiarnersumik inuulluaqqusillunga

  
Vivian Motzfeldt